

LAMPIRAN PEMBERITAHUAN PRODUK untuk Insurans Kemalangan Peribadi Penunggang Motosikal

NOTA PENTING: Sila baca Lampiran Pemberitahuan Produk ini sebelum anda memutuskan untuk mengambil Polisi Insurans Kemalangan Peribadi Penunggang Motosikal. Pastikan anda juga membaca dengan terperinci terma-terma and syarat-syarat amnya.

1. Apakah produk ini?

Polisi ini menyediakan perlindungan 24 jam seluruh dunia terhadap kematian atau hilang upaya kekal disebabkan oleh kemalangan luaran yang ganas dan nyata yang terjadi secara tunggal dan langsung tanpa kejadian lain.

Kelayakan: Semua Warganegara Malaysia, Penduduk Tetap Malaysia atau pemegang permit kerja di Malaysia berumur 16 tahun sehingga 65 tahun.

2. Apakah perlindungan/faedah yang diberikan?

Sila rujuk kepada Jadual Faedah dalam risalah produk.

Tempoh perlindungan lazimnya adalah selama setahun. Anda perlu memperbaharui perlindungan anda setiap tahun melainkan anda telah mendaftar arahan pembayaran pembaharuan automatik untuk pembaharuan secara automatik, tertakluk kepada terma dan syarat.

3. Berapakah jumlah premium yang perlu saya bayar?

Premium yang anda perlu bayar mungkin berbeza bergantung pada pelan yang dipilih. Anda boleh merujuk kepada risalah untuk maklumat terperinci.

4. Berapakah yuran dan caj yang perlu saya bayar?

Yuran dan bayaran yang anda perlu bayar adalah:

Jenis	Amaun
Cukai Barang dan Perkhidmatan (GST)	0% daripada premium dari 1 Jun 2018
Duti Setem	RM10.00
Komisen ejen apabila melibatkan seorang pengantara	10% daripada premium

5. Apakah terma dan syarat utama yang perlu saya tahu?

- Keperluan membuat Pendedahan - MENURUT AKTA PERKHIDMATAN KEWANGAN 2013, Seksyen 129, Jadual 9, Perenggan 5: Adalah menjadikan kewajipan pengguna untuk mengambil penjagaan munasabah untuk tidak membuat salah nyataan kepada penanggung insurans berlesen semasa menjawab apa-apa soalan yang diperlukan yang berkaitan dengan keputusan penanggung insurans sama ada untuk menerima atau tidak risiko dan kadar dan terma yang hendak dipakai
- Faedah akan dibayar sekiranya berlaku kematian atau hilang upaya kekal dalam tempoh 12 bulan dari tarikh kecederaan anggota badan.
- Agregat peratusan keseluruhan yang perlu dibayar berhubung dengan mana-mana satu kemalangan tidak boleh melebihi 100% daripada jumlah diinsuranskan dan sekiranya 100% daripada jumlah diinsuranskan telah dibayar, polisi ini akan berhenti berkuat kuasa.

6. Apakah pengecualian utama di dalam polisi ini?

Polisi ini tidak melindungi kerugian tertentu seperti:

- Keadaan dan penyakit pra-wujud dan sebarang bentuk penyakit;
- Keganasan;
- Melahirkan anak atau keguguran;
- Ketika memandu di bawah pengaruh alkohol atau dadah yang tidak dipreskripsi oleh pengamal perubatan yang berkelayakan;
- Melakukan atau cuba untuk melakukan sebarang tindakan yang menyalahi undang-undang;
- Bunuh diri dan sebarang bentuk percubaan bunuh diri;
- Sindrom Kurang Daya Tahan Melawan Penyakit (AIDS) atau penyakit Kompleks Berkaitan AIDS (ARC).
- Membuat penerbangan/perjalanan dalam pesawat selain daripada sebagai penumpang berbayar dalam penerbangan berjadual.

Nota: Senarai ini tidak menyeluruh. Sila merujuk kepada kontrak polisi untuk senarai penuh pengecualian yang terkandung di bawah polisi ini.

7. Bolehkah saya batalkan polisi ini dan apakah caranya untuk membatalkan?

Anda boleh membatalkan polisi anda dengan memberikan 7 hari notis bertulis kepada syarikat insurans. Selepas pembatalan, anda berhak mendapat jumlah bayaran balik premium mengikut kadar jangka pendek Syarikat pada masa pembatalan polisi.

8. **Apakah yang perlu saya lakukan sekiranya terdapat perubahan di dalam butiran perhubungan saya?**
Adalah penting bagi anda memaklumkan kepada kami tentang sebarang perubahan kepada maklumat terperinci anda bagi memastikan yang kesemua surat-menyurat sampai kepada anda tepat pada waktunya.
9. **Di manakah boleh saya mendapatkan maklumat lanjut?**
Sekiranya anda memerlukan maklumat lanjut mengenai insurans kemalangan diri, sila rujuk kepada risalah *insuranceinfo* mengenai 'Insurans Kemalangan Diri', yang boleh didapati di semua cawangan kami atau anda boleh mendapatkan senaskhah salinan daripada ejen insurans atau layari www.insuranceinfo.com.my.

Untuk sebarang pertanyaan, sila hubungi kami di:

AmGeneral Insurance Berhad
Tingkat 5, Menara Shell,
No. 211, Jalan Tun Sambanthan,
50470, Kuala Lumpur,
Malaysia.

Talian Bebas : 1-800-88-6333
Faks : 03-2268-2222
E-mel : corporate@kurnia.com
Laman Web : www.kurnia.com

10. **Lain-lain perlindungan sejenis yang ada.**
- a) Kemalangan Diri "*Kurnia Star*"
 - b) Kemalangan Diri "*Perfect 10*"
 - c) Kemalangan Diri "*Perfect 10 Plus*"
 - d) "*PA Supreme*"

NOTA PENTING:
ANDA DINASIHATKAN UNTUK MEMBERI PERHATIAN MENGENAI SKALA FAEDAH-FAEDAH UNTUK KEMATIAN DAN HILANG UPAYA DALAM POLISI INSURANS ANDA. ANDA MESTI MENAMAKAN PENAMA DAN PASTIKAN PENAMA ANDA TAHU TENTANG POLISI KEMALANGAN DIRI YANG TELAH ANDA BELI. ANDA PERLU MEMBACA DAN MEMAHAMI POLISI INSURANS INI DAN BERBINCANG DENGAN EJEN ATAU HUBUNGI SYARIKAT INSURANS UNTUK MAKLUMAT LANJUT.

AmGeneral Insurance Berhad dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

Informasi yang dibekalkan dalam lampiran pemberitahuan ini adalah sah pada 01 Jun 2018.